

Na osnovu člana 32. stava 2. Zakona o Vladi Srednjobosanskog kantona („Službene novine Srednjobosanskog kantona“, broj: 5/03-Prečišćeni tekst i 14/03) i člana 35. Zakona o izvršavanju Budžeta Srednjobosanskog kantona za 2021. godinu („Službene novine Srednjobosanskog kantona“, broj 1/21), Vlada Srednjobosanskog kantona je na 102. sjednici, održanoj dana 4. 11. 2021. godine donijela, je

**ODLUKU**  
**o usvajanju programa utroška sredstava**  
**sa pozicije Transfer za program „Poticaj državnim šumama u skladu sa**  
**Zakonom o šumama“**

I  
Usvaja se Program utroška sredstava sa pozicije Transfer za program „Poticaj državnim šumama u skladu sa Zakonom o šumama“ utvrđenih Budžetom Srednjobosanskog kantona za 2021. godine, broj: 12-01.22-7237/21-2 od 13.10.2021. godne u daljem tekstu Program.

II  
Program iz tačke I ove Odluke sastavni je dio Odluke.


III  
Sredstva za realizaciju Programa iz tačke I ove Odluke, izdvojit će se na teret Bužeta SBK za 2021. godinu, razdjel 19, glava 02- Kantonalna uprava za šumarstvo, ekonomski kod 614400 u iznosu 400.000,00 KM

III  
Utvrdjeni iznos sredstava iz tačke I ove Odluke upotrijebit će se za finansiranje aktivnosti i projekata u svrhu sufinansiranje obnove šuma nakon nepogoda i sufinansiranje mjera preventivne zaštite šuma od požara.

IV  
Izdvajanje sredstava utvrđenih Programom iz tačke I ove Odluke, Vlada Kantona će definisati posebnom odlukom.

IV  
Ova odluka stupa na snagu danom donošenja i objavit će se u „Službenim novinama Srednjobosanskog kantona“.

Broj: 01-11.7-7673/21  
Datum: 4. 11. 2021



Premijer Kantona  
Tahir Lendo, dipl.ing.



Broj: 12-01-22-7237/21-2

Datum: 13.10. 2021. godine

**PROGRAM  
UTROŠKA SREDSTAVA  
„TRANSFER - POTICAJ ŠUMAMA U SKLADU SA ZAKONOM O ŠUMAMA“  
UTVRĐENIH BUDŽETOM  
SREDNJOBOSANSKOG KANTONA/KANTONA SREDIŠNJA BOSNA  
SA KRITERIJIMA RASPODJELE SREDSTAVA ZA 2021. GODINU**

**A. SVRHA PROGRAMA**

Shodno članu 54. Zakona o šumama ("Službene novine SBK": broj: 5/14; 12/15; 8/16; 7/18 i 14/20), radi ostvarivanja općeg interesa i dugoročnih ciljeva održivog gospodarenja šumama utvrđenih šumskogospodarskim osnovama, prikupljaju se finansijska sredstva za zaštitu i unapređenje stanja postojećih i podizanja novih šuma i za ruralni razvoj. Finansijska sredstva se obezbjeđuju iz naknada po osnovu člana 54. stav 2. Zakona o šumama, te se ista u skladu sa članom 55. i članom 56. Zakona, uplaćuju kao namjenska sredstva na račun budžeta kantona. Ova sredstva obezbjeđuju se iz:

- Naknada za općekorisne funkcije šuma;
- Naknada za korištenje državnih šuma;
- Naknada za obavljanje stručnih poslova u privatnim šumama;
- Naknada za izdvajanje dijelova državnih šuma iz šumskogospodarskih područja;
- Naknada u postupku promjene namjene šuma i šumskog zemljišta (krčenja šuma);
- Naknada po osnovu zakupa državnog šumskog zemljišta;
- Naknada po osnovu uspostave prava služnosti na državnom šumskom zemljištu;
- Ostalih izvora shodno ovom Zakonu i iz drugih izvora.

**B. VISINA SREDSTAVA I IZVORI SREDSTAVA**

Budžetom Srednjobosanskog kantona za 2021. godinu, u članu 3. razdjel 19, glava 02, predviđen je transfer na ekonomskom kodu:

- 614400 -Subvencija javnim preduzećima - poticaj šumarstvu za državne šume u iznosu 400.000,00 KM.

Shodno članu 57. stav 2. Zakona o šumama, za iznos sredstava utvrđen budžetom kantona u tekućoj godini za te namjene, Kantonalna uprava za šumarstvo je u obavezi da pripremi program utroška sredstava.

Ugovorom o prijenosu poslova gospodarenja državnim šumama na području Srednjobosanskog kantona, broj: 03-26-124/2017 od 04.01.2017. godine, Ministarstvo poljoprivrede, vodoprivrede i šumarstva SBK poslove gospodarenja državnim šumama prenijelo je u nadležnost ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf (korisnika državnih šuma).

U skladu sa članom 35. Zakona o šumama:

(2) poslove gospodarenja državnim šumama Ministarstvo ugovorom prenosi korisniku državnih šuma, a posebno:

- izradu projekata za izvođenje radova u šumarstvu i njihovu realizaciju
- provedbu programa i planova biološke obnove šuma
- provedbu mjera zaštite šuma
- proizvodnje i prometa šumskog sjemena i sadnog materijala
- realizacije planova razvoja šumarstva i mjera racionalizacije u šumarstvu...

U skladu sa članom 57. Zakona o šumama i člana 15. Zakona o izmjenama Zakona o šumama iz namjenskih sredstava prikupljenih u budžetu kantona po navedenom osnovu, moguće je finansirati sljedeće poslove:

- upravni i stručni poslovi koji se odnose na državne i privatne šume;
- izrada i revizija kantonalnog šumskorazvojnog plana;
- izrada šumsko privrednih osnova za privatne šume i nadzor nad prikupljanjem podataka za izradu šumsko privrednih osnova za državne i privatne šume;
- biološka obnova šuma u obimu većem od onog koji je predviđen šumsko privrednom osnovom;
- **obnova šuma od posljedica elementarnih nepogoda, prenamnoženja insekata, požara i slično;**
- unapređenje proizvodnje šumskog reproduktivnog materijala;
- gospodarenje šumama koje su od vitalnog interesa shodno stavu 3. člana 18. ovog Zakona
- organizovanje tehničkih specijalističkih kurseva iz oblasti šumarstva;
- očuvanje i unapređenje bioraznolikosti šumskih ekosistema;
- očuvanje i unapređenje genofonda, rijetkih i ugroženih vrsta šumskog drveća
- znanstvena istraživanja i stručne analize
- izgradnja i održavanje šumskih putova
- **ostale namjene za unapređenje šuma**
- deminiranje šumskih površina i šumskog zemljišta kontaminiranih minama i neeksplozivnim ubojitim sredstvima

### C. KRITERIJI ZA DODJELU SREDSTAVA

Poštujući zakonske propise o utrošku namjenskih sredstava prikupljenih po osnovu naknada za zaštitu i unapređenje stanja postojećih i podizanja novih šuma i ruralni razvoj, Kantonalna uprava za šumarstvo u okviru programa „Transfer-poticaaj šumama u skladu sa Zakonom o šumama“, iz Budžeta SBK za 2021. godinu, podržat će projekte korisnika državnih šuma - preduzeća koje gospodari državnim šumama Srednjobosanskog kantona, kako slijedi:

3. Sufinanciranje obnove šuma nakon nepogoda - u skladu sa članom 15. Zakona o šumama, u slučaju nepogode u šumi uzrokovane bilo kojim biotičkim ili ne biotičkim agensom, korisnik državnih šuma, za državne šume dužan je pripremiti plan obnove oštećenih i uništenih šuma i šumskog zemljišta, koji sadrži opis nepogode, stepen oštećenja šume mjere koje treba provesti i troškove sanacije i obnove. Izrazito dug sušni period sa ekstremno visokim temperaturama, tokom ljetnog perioda tekuće godine, rezultirao je masovnom pojavom šumskih požara uslijed koji je došlo do veliki oštećenja državnih šuma i šumskog zemljišta na području Srednjobosanskog kantona. Prema izvještajnim podacima korisnika državnih šuma, u periodu 01.01. do 31.08. 2021. godine evidentirana je pojava 77 šumskih požara, opožarena šumska površina od 418,34 ha i procijenjena pričinjena šteta cca 3.247.049,60 KM, te će se ovim Programom podržati projekti korisnika državnih šuma - preduzeća koje gospodari državnim šumama Srednjobosanskog kantona usmjerenih na obnovu oštećenih i uništenih šuma i šumskog zemljišta uslijed požara.
4. Sufinanciranje mjera preventivne zaštite šuma od požara – u skladu sa članom 21. Zakona o šumama, jedinstvene planove zaštite šuma od požara izrađuje, donosi i provodi korisnik državnih šuma koji minimalno sadrže: procjenu ugroženosti od požara, pregled raspoloživih i potrebnih sredstava i opreme za gašenje požara, pregled i stanje protupožarnih puteva i prosjeka, pregled vodnih površina, vodotoka, izvorišta i kaptaza upotrebljivih za gašenje požara, osmatranje, otkrivanje i dojavljivanje požara, pregled formacijskih jedinica za rukovođenje i gašenje požara, tehnički plan gašenja požara, rukovođenje gašenjem šumskih požara, sadejstvo na terenu i način angažovanja profesionalnih vatrogasnih jedinica. Osiguranje kvalitetnih pretpostavki za izradu, provedbu i primjenu planova zaštite od požara, bitan je preduslov prevenciji zaštite šuma od požara i provođenju efikasnih mjera gašenja šumskih požara u inicijalnim fazama

pojave istog, te će se ovim Programom podržati projekti korisnika državnih šuma - preduzeća koje gospodari državnim šumama Srednjobosanskog kantona usmjerenih na unapređenje mjera preventivne zaštite šuma od požara.

Korisnik sredstava - preduzeća koje gospodari državnim šumama Srednjobosanskog kantona - korisnika državnih šuma, kandidovat će prijedloge projekata Ministarstvu poljoprivrede, vodoprivrede i šumarstva putem Kantonalne uprave za šumarstvo Srednjobosanskog kantona. Prijedlog za finansiranje kandidovanih projekata utvrđuje komisija koju svojim rješenjem imenuje direktor Kantonalne uprave za šumarstvo. Utvrđeni iznos sredstava po ovom Programu, upotrijebiti će se za podršku razvojnim projektima, sa ciljem obezbjeđenja trajnosti gospodarenja državnim šumama na području Srednjobosanskog kantona, uz obavezno zaključivanje ugovora u vezi sa realizacijom istog. Utvrđuje se krajnji rok za kandidovanje projekata: 30.11.2021. godine.

#### **D. REALIZACIJA I NADZOR:**

Nadzor nad namjenskim korištenjem navedenih sredstava, kao i nad realizacijom terenskih radova, vršiti će Ministarstvo poljoprivrede, vodoprivrede i šumarstva putem Kantonalne uprave za šumarstvo.

U skladu sa tačkom II.C.18.c). Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine (Službene novine FBiH broj: 15/2018.), budžetska sredstva prema ovom Programu, mogu se dodijeliti bez objavljivanja javnog poziva, a uz obavezno poštivanje odredbi člana 19 . Smjernica.

Travnik, 13 10.2021. godine.

Kantonalna uprava za šumarstvo SBK